



Lög Júdosambands Íslands



1. gr.

Júdosamband Íslands (JSÍ) er æðsti aðili um öll júdomál innan vébanda Íþrótt- og Ólympíusambands Íslands (ÍSÍ).

2.gr.

Júdosamband Íslands er samband júdoráða og héraðssambanda, og eru öll félög innan ÍSÍ, er iðka, æfa og keppa í júdo, aðilar að JSÍ.

3. gr.

Starf JSÍ er í meginatriðum:

- a) Að hafa yfirstjórn allra íslenskra júdomála.
- b) Að vinna að eflingu júdo í landinu og koma fram erlendis fyrir hönd júdo.
- c) Að vinna að kynningum og gerð kennsluefnis sem nýtist öllum félögum innan sambandsins.
- d) Að stuðla að og styrkja stofnun nýrra júdofélaga, eða júdodeilda innan starfandi íþróttafélaga.
- e) Að tryggja jákvæða ímynd Júdo á Íslandi.

JSÍ starfar sjálfstætt og er hlutlaust er varðar stjórmál og trúarbrögð. JSÍ skal gæta jafnréttis og jafnræðis. Allir skulu vera jafnir fyrir lögum, reglugerðum og ákvörðunum JSÍ og nefnda á vegum JSÍ. Aðilar skulu njóta fullra réttinda án tillits til kynferðis, kynhneigðar, trúarbragða, skoðana, þjóðernis, kynþáttar, litarháttar, efnahags, ætternis og stöðu að öðru leyti.

4. gr.

Málefnum JSÍ er stjórnað af:

- a) Júdoþingi
- b) Stjórn JSÍ

5. gr.

Júdoþing fer með æðsta vald í málefnum JSÍ. Þingið sitja fulltrúar frá þeim aðilum, sem mynda JSÍ. Fulltrúafjöldi hvers aðila (júdodeildar/félags) fer eftir fjölda keppenda þeirra í eftirtöldum mótmum JSÍ sem haldin voru síðasta almanaksár fyrir þing og í öllum aldurs og þyngdarflokkum þar með talinn opin flokkur. Mótin eru, Íslandsmeistaramót, (ekki Sveitakeppni) Afmælismót, Haustmót og Vormót. Fulltrúafjöldinn reiknast þannig út að fyrir 1-10 keppendur fæst einn fulltrúi, og síðan einn fulltrúi fyrir hverja 20 keppendur þar á eftir. Auk þess hefur stjórn hvers héraðssambands/íþróttabandalags, sem hefur viðkomandi íþróttarein innan sinna vébanda, rétt á einum fulltrúa með málfrelsi og tillögurétt en án atkvæðisréttar.

Þingið skal háð í tengslum við Íslandsmót og eigi síðar en í maí ár hvert. Skal boða það með auglysingu og eða tilkynningu með eigi minna en eins mánaðar fyrirvara. Málefni, sem sambandsaðilar óska að tekin verði fyrir á þinginu, skulu tilkynnt stjórn JSÍ minnst 21. degi fyrir þing. Fundarboð skal senda þeim aðilum sem eiga rétt á fulltrúa/fulltrúum á þingið.

Skriflegt fundarboð (síðara fundarboð) með dagskrá og upplýsingum um tillögur og mál sem leggja á fyrir þing, skuli senda viðkomandi aðilum með eigi minna en tveggja vikna fyrirvara Kjörbréfum skal skila til stjórnar JSÍ í síðastalagi 7 dögum fyrir þing, að öðrum kosti verða menn ekki kjörgengir nema með samþykki meirihluta löglegra þingfulltrúa á yfirstandandi þingi. Júdoþing er lögmætt, ef löglega er til þess boðað.

6. grein

Á Júdoþinginu hafa fulltrúar einir atkvæðisrétt, en auk þeirra eiga rétt á þingsetu og hafa málfrelsi og tillögurétt:

- a) Stjórn JSÍ, varastjórn og skoðunarmenn
- b) Framkvæmdastjórn ÍSÍ



Lög Júdosambands Íslands



- c) Fastráðnir starfsmenn JSÍ
- d) Fulltrúar dómarafélaga
- e) Allir nefndarmenn JSÍ
- f) Íþróttafulltrúi ríkisins

Auk þess getur stjórн JSÍ boðið öðrum aðilum þingsetu, ef hún telur ástæðu til.

Aðeins sá sem er í félagi, sem iðkar júðo innan sérráðs eða héraðssambands, er kjörgengur fulltrúi þess og eigi hann heima innan héraðs. Hver fulltrúi hefur aðeins 1 atkvæði. Heimilt er að fulltrúi fari með fleiri en 1 atkvæði, en aðeins með atkvæði þess aðila, sem hann er fulltrúi fyrir þó ekki með fleiri en 2 atkvæði alls. Umboð, sem jafnframt er beiðni til þingsins um að fulltrúi megi fara með fleiri en 1 atkvæði, verður að vera skriflegt og vera frá stjórн hlutaðeigandi sambandsaðila.

7. gr.

Aukaþing má halda, ef nauðsyn krefur eða helmingur sambandsaðila óskar þess. Alla boðunar- og tilkynningarfresti til aukaþings má hafa hálfu styttri en til reglulegs þings. Fulltrúar á aukaþingi eru þeir sömu og voru á næsta reglulega þingi á undan, og gilda sömu kjörbréf. Þó má kjósa að nýju í stað fulltrúa, sem er láttinn, veikur eða fluttur úr héraði eða forfallaður á annan hátt. Á aukaþingi má ekki gera laga- og leikreglnabreytingar og ekki kjósa stjórн, nema bráðabirgðastjórн, ef meirihluti kjörinnar aðalstjórnar hefur sagt af sér eða hætt störfum af öðrum orsökum. Að öðru leyti gilda um það sömu reglur og um reglulegt júðoþing.

8. gr.

Kosning heiðursformanns.

Heiðursformann JSÍ má júðoþing kjósa ef einfaldur meirihluti af mættum fulltrúum er því samþykkur. Heiðursformaður JSÍ kemur fram f.h. JSÍ við tækifæri, sem stjórн eða formaður JSÍ kunna að fela honum. Heiðursformaður hefur seturétt á fundum stjórнar, með málfrælsi, en án atkvæðisréttar.

9. gr.

Störf Júðoþings eru:

1. Þingsetning
2. Kosin kjörbréfanefnd
3. Kosnir fastir starfsmenn þingsins
4. Kosnar fastar nefndir:
 - a) Fjárhagsnefnd
 - b) Laga- og leikreglnanefnd
 - c) Allsherjarnefnd

Nefndir þessar eru skipaðar þremur mönnum hver.

5. Fráfarandi stjórн gefur skýrslu sína
6. Gjaldkeri leggur fram endurskoðaða reikninga JSÍ til samþykktar.
7. Stjórн JSÍ leggur fram tillögu að fjárhagsáætlun fyrir næsta starfsár.
8. Lagðar fram laga- og leikreglnabreytingar, sem fram hafa komið
9. Teknar til umræðu aðrar tillögur og önnur mál, sem borist hafa til stjórnarinnar.

-Pinghlé-

10. Nefndarálit og tillögur og atkvæðagreiðslur um þær.
11. Kosning heiðursformanns.
12. Önnur mál.
13. Kosnir 3 menn í aganeftnd og 3 til vara.
14. Kosnir 3 menn í dómaranefnd og 3 til vara.
15. Kosning fulltrúa á ÍSÍ þing.



Lög Júdosambands Íslands



16. Kosning stjórnar, varamanna í stjórn og skoðunarmanna.
17. Þingslit.

Fái fleiri en þeir, sem kjósa á, jafnmörg atkvæði, skal kjósa um þá á ný, bundinni kosningu. Verði þeir enn jafnir, ræður hlutkesti. Einfaldur meirihluti ræður úrslitum, nema um lagabreytingu sé að ræða, þá þarf 2/3 hluta greiddra atkvæða. Þing getur með 2/3 atkvæða viðstaddir fulltrúa leyft að taka fyrir mál, sem komið er fram eftir að dagskrá þings var send sambandsaðilum (skv. 5.gr. 2. málsgrein). Ársskýrslu JSÍ, sem stjórn skal leggja fyrir þing, svo og ágrip af fundargerðum þings, skal senda framkvæmdastjórn ÍSÍ og sambandsaðilum JSÍ innan 2 mánaða frá þingslitum.

10. gr.

Stjórn JSÍ skal skipa 7 menn, formaður, varaformaður, ritari, gjaldkeri og 3 meðstjórnendur. Skal kjósa bundinni leynilegri kosningu, formann fyrst og síðan aðra í stjórn. Stjórnin skiptir með sér verkum. Stjórnarmenn skulu kosnir til tveggja ára í senn, formaður og tveir stjórnarmenn á oddatölu ári en hinir fjórir árin á milli. Þannig er tryggt að öll stjórnin fari ekki frá í einu. Einnig skal kjósa 3 menn til vara, skulu þeir kosnir hver í sínu lagi, fyrst 1.vm. síðan 2.vm. og loks 3.vm. Samkvæmt þessari röð taka þeir sæti ef aðalmaður forfallast. Hætti einhver aðalmaður sem kosinn er til tveggja ára áður en kjörtímabil hans er útrunnið, skal á næsta þingi kjósa annan mann í hans stað til eins árs. Varamenn eru kosnir til eins árs í senn. Tækniráð, skal tilnefnt af stjórn JSÍ og skipað 3 mönnum og geta þeir hvort heldur verið innan eða utan stjórnar JSÍ og lágmarksgráða þeirra skal vera 1. dan. Framkvæmdastjórn JSÍ, skipuð formanni, ritara og gjaldkera, sér um framkvæmd samþykkta stjórnarinnar og daglega umsýslu.

Stjórninni er heimilt að ráða launað starfsfólk. Aðsetur stjórnarinnar er í Reykjavík. Reikningsár JSÍ er almanaksárið.

11. gr.

Starfsvið stjórnar JSÍ er:

- a) Að framkvæma ályktanir Júdóþings
- b) Að vinna að eflingu júðo í landinu
- c) Að semja leikreglur og reglugerðir fyrir júðo
- d) Að senda framkvæmdastjórn ÍSÍ lögboðnar skýrslur og tilkynningar
- e) Að líta eftir að lög og leikreglur JSÍ séu haldin
- f) Að setja nauðsynleg bráðabirgðaákvæði
- g) Að raða niður og ákveða staði og tíma fyrir landsmót. Það skal JSÍ að jafnaði gera fyrir hvert keppnistímabil sem er frá 1. sept. til 31. ágúst og þá í samráði við stjórnir aðildarfélaga.
- h) Að úthluta þeim styrkjum til júðo, sem JSÍ fær til umráða.
- i) Að koma fram erlendis fyrir júðo í landinu
- j) Að taka ákvörðun um landskeppni og veita heimild til þátttöku í keppni erlendis
- k) Að skipa fulltrúa á ÍSÍ þing.

12. gr.

Formaður JSÍ boðar stjórnarfundi og stjórnar þeim.

13. gr.

Aðildarfélög JSÍ eru milliliðir milli félaga sinna og stjórnar JSÍ. Þau skulu senda henni allar skýrslur um mótt, sem haldin eru innan umdæmisins. Þessar skýrslur skulu sendar innan mánaðar eftir að móti lýkur.

14. gr.

JSÍ skal í samráði við hlutaðeigandi héraðssambönd, vinna að stofnun nýrra sérráða.



Lög Júdosambands Íslands



15. gr.

Stjórn JSÍ hefur frjálsan aðgang að öllum júdomótum og sýningum, sem fara fram innan vébanda JSÍ. Einnig á hún rétt á að sitja aðalfundi sérráða, dómarafélaga og héraðssambanda, sem eru aðilar að JSÍ.

16. gr.

Tillögur um að leggja JSÍ niður, má aðeins taka fyrir á lögmætu Júdóþingi. Til þess að samþykka þá tillögu, þarf minnst 3/4 hluta atkvæða. Hafi slík tillaga verið samþykkt, skal gera öllum sambandsaðilum grein fyrir henni í þingskýrslunni og tillaga síðan látin ganga til næsta reglulegs þings. Verði tillagan þá samþykkt aftur, er það fullgild ákvörðun um að leggja JSÍ niður. Skal þá afhenda ÍSÍ eignir JSÍ til varðveislu.

17. gr.

Með öll ágreinings- og kærumál innan hreyfingar Júdosambandsins skal farið skv. 4. kafla í lögum ÍSÍ um dómstóla ÍSÍ.

18. gr.

Lög þessi öðlast gildi, þegar framkvæmdastjórn ÍSÍ hefur staðfest þau.

Fyrst útgefin 28.01. 1973.

Útgefin með breytingum:

- eftir 02. ársþing JSÍ 13.10.1973
- eftir 05. ársþing JSÍ 30.10.1976
- eftir 14. ársþing JSÍ 08.06.1985
- eftir 16. ársþing JSÍ 30.05.1987
- eftir 18. ársþing JSÍ 22.-23. apríl 1989
- eftir 20. ársþing JSÍ 26.01.1991
- eftir 25. ársþing JSÍ 31.03.1996
- eftir 26. ársþing JSÍ 22.03.1997
- eftir 27. ársþing JSÍ 21.03.1998
- eftir 29. ársþing JSÍ 30.07.2000
- eftir 31. ársþing JSÍ 22.08.2002
- eftir 32. ársþing JSÍ 04.04.2003
- eftir 34. ársþing JSÍ 23.04.2005
- eftir 35. ársþing JSÍ 22.04.2006
- eftir 36. ársþing JSÍ 31.03.2007
- eftir 41. ársþing JSÍ 24.03.2012
- eftir 43. ársþing JSÍ 17.05.2014
- eftir 47. ársþing JSÍ 19.05.2018